

172010

叢書集成續編 第一七二冊目錄

文學類



詩別集——明

石臼前集九卷後集七卷	明	邢昉撰	金陵叢書	一
臥月軒稿三卷附錄一卷	明	顧若璞著	武林往哲	二一七

詩別集——清

紅葉村詩稿六卷補遺一卷附錄一卷	清	梁逸撰	又滿樓	二三九
疑雨集四卷	清	王彥泓著	郎園	二八三
大覺禪師遺文一卷	清	釋通琳著	陶社	三五一
東山遺集二種	清	查繼佐撰	古書	三五五
釣業一卷				三五七
粵游雜詠一卷				三九〇
藕華園詩二卷	清	釋德立撰	敬鄉樓	四一三
泉村詩選一卷	清	徐凝撰	敬鄉樓	四四一
蒼雲和尚南來堂詩集四卷附錄一卷	清	釋讀徹撰	雲南	四五九
擔當遺詩七卷附錄一卷	清	釋通荷撰	雲南	五二三
吳梅村先生編年詩集十二卷詩餘一卷	清	吳偉業撰	太崑先哲	六三一

石

田

前

集

蔣	屋	如	厓
氏	校	月	涂
慎	印	著	月
脩	甲	始	吉
書	寅	丙	戎

序

石臼集者明末詩人高淳邢先生孟貞嘗居石臼湖上因以名其集先生博學高才不可一世生避陽九之運明社屋矣飢餓低離難於衣食凡有所觸於中飢餓無聊歡歌傷懷則一於詩焉發之昔謝康樂擬鄴中諸詩謂陳孔璋書記士故言喪亂爲多夫身遭喪亂卽王徐應劉皆當言之獨孔璋乎然觀蕭氏文選錄鄴中詩頗多而孔璋書箋兩檄外無聞焉當由其文言不韻或音多焦殺故逸之耳乃知孔璋以詩累喪亂非以喪亂累其詩也蓋貴池劉城有是言予嘗賞之云爾今讀先生詩淒清悲壯山峙雲涌多溫厚之遺無怨誹之失具體少陵而出入韋孟錢劉以發其菁華才兼眾體誠名家也

石臼集序一

一

金陵叢書
蔣氏校印

家也王隱曰古人遭時則以功達其道不遇則以言達其才而庾信亦云窮者欲達其言勞者須歌其事若夫先生志潔行芳嶠然塵垢之外幾與楚騷爭烈矣先生沒已五十年詩益大重於世今高淳進士王君孚與兒子至同年譜於先生有葭葦親校定是集爲十六卷其作於勝國者爲前集九卷入本朝者爲後集七卷將付剞劂而請序於予兒至京中書來亦屢以爲言夫序先生詩者多矣予復何能益一辭也乃於其以石臼石集有慨焉先生無炊索米饑走四方卒齋志沒臂諸石臼受春者也今湖水清漣而無所用泌之洋洋可樂饑耶抑古來地名石臼者非一後漢郡國志常山國南行唐有石臼谷然章帝紀建初三年夏四月己巳罷常山呼

沱石臼河漕詩不云乎高岸爲谷深谷爲陵此一石臼也時而河者時而谷固知陵谷有變而名不可磨滅也區區高淳帶水間出一詩人以光昭斯土則文章之所留貽又豈有窮也與綿津山人宋榮撰

石臼集序二

二

金陵叢書
蔣氏校印

原序

往得孟貞詩於朋友喜其如春雲溶溶秋雲英英有可翫說不可攬探之意戊子秋采詩白下與治于皇告曰孟貞之詩成矣今之隨州長江也余讀之信然尤喜其古體歌行骨格老蒼敘事典實殆優入少陵之室深造而自得者也昔者微之之稱少陵以爲千古詩人之總萃元和以降作者代興波譎雲詭橫從穿穴靡不人鋒一少陵卽虛全馬異亦皆得少陵之一支而少陵之面目不存焉迨宋之西江而翦刻露矣迨近代之北地而剽健滋矣此皆從門而入漸深造而未能自得也陶淵明隱逸詩人之宗也鍾記室品之謂其源出於應璩古人之詩其源流深長如是今學者思弋獲古人往

百八 序三

三

金陵叢書
蔣氏校印

往以勝氣出之以蒙氣蓋之庸可幾乎孟貞之殖深矣積厚矣其殆以少陵爲果位而隨州長江其分身示現與泰山之雲觸石而出膚寸而合不崇朝而雨天下春雲之溶溶也秋雲之英英也其殆將瀾漫於是乎其殆將歸藏於是乎孟貞笑而起曰命之矣虞山錢謙益撰

高淳卅孟貞與余交三十年初刻魯齋詩超然清舉深相慕也於是竟陵執耳猶未自立漢轍偶與楊龍友品藻時賢爲孟貞屈一指因訂交晨夕無間偕游雲間與陳臥子李舒章諸人周旋久孟貞詩一變而步趨不同孟貞所尙在太祝蘇州隨州考功間上溯顏謝旁及郊島涵泳久之駁駁成家矣生平不慕榮利不問生產不屑借交游以博名譽落穆蹻

涼多否少可以餘力爲制科文非不佳視青其杔若芒刺竟被斥顧有喜色性剛卞一語不合見色拂衣爲俯仰故終身無所遇窮賤以老以予觀孟貞雖甘心隱約借令有負郭二頃攜精舍數椽積書其間深居飽食以教子放意遠游不以饑寒內顧未嘗不以爲樂卒以貧病強出病甚以歸歸乃不起傷哉先是宣城施尙白與吾兩人言詩甚合數遺書迎致予因追呼不果行會孟貞來余執手語曰吾兩人索居有時實難爲別如尙白停雲何若家居不易吾兩人來會可卜子往矣孟貞遂行豈知渡口蓬牕遂與我友訣也傷哉尙白篤於友朋嘗言我當爲孟貞作計垂老小適當在斯人而孟貞不待矣傷哉孟貞既死溫縣范正使君來開夏邑崔正誼

百八 序四

四

金陵叢書
蔣氏校印

明府言慨然以不及生見爲恨乃刻其詩使君奇偉男子尙風義力能扶植人時余在難自分且死使君獨奮袂起包管魯連口手並急卒白其冤借令孟貞而在其急爲之謀必不下尙白而孟貞死矣傷哉然孟貞詩既傳吾代千秋居然一席海內識與不識皆當想見其人足以豪矣卽貧病以死視彼投贊曳裾走聲名如鶩裘馬奕奕殺青充棟自謂高視詞壇既而滅沒草腐者相越豈止萬里復何憾哉復何憾哉金陵顧夢游撰

論詩者曰詩莫盛於唐非也詩蓋自唐而止也論唐詩者曰詩必法盛唐亦非也詩蓋不自盛唐而止也自此而止者論跬步弗得焉如臨不測之淵而惴惴懼其墜也不自此止者

跬步弗踰隘也季札觀六代之樂至鄒以下始無譏也故由漢魏至唐詩之變極矣詩可以弗漢魏而斷斷乎不可以弗唐也由開元至大中唐詩之變極矣詩不可以大中而斷斷乎不可以開元盡也是說也前此有之至孟貞而鑿鑿不可破孟貞束髮攻詩始漢魏迄宋元窮源歷變自謂已極而其持論蓋如此乙酉冬始與孟貞稱詩兩人指歸各以自閔孟貞疑余或岐之余亦疑孟貞或余岐而俱不以相也久之浸見弗岐矣又久之浸見岐有弗岐者矣然後相而笑苦甘冷暖之間油然而入焉故詩止於唐而不止於盛唐孟貞之言亦余之言也詩可以弗漢魏而不可以弗唐孟貞之言而非余之言也蓋孟貞謂漢魏不可爲者也唐人惟不爲漢

百人 序五

五

金陵叢書
蔣氏校印

魏故能臻於極後之爲漢魏者皆失焉余曰伯玉感遇執謂非漢魏乎子獨忘夫貌焉者所喜耳雖有裘裳濡足之憂維予不以爲非也所謂岐而有弗岐者也盛唐之不可爲猶夫漢魏獨至中唐而貌者寡矣大中以下始同曹鄴耳故孟貞詩五言清麗有承左司也而綽約則錢劉刻厲則昌黎東野盡致矣七言排宕歷落者少陵而新鄉嘉州文昌仲初遞出也五言近體望昭於王孟變化於長江七言近體文房爲宗極五七言絕句不名一家要在貞觀元和之世也宣城施閏章撰

11611

石臼前集目錄

金陵叢書丙集之八

高澹邪 昉

卷一

樂府八十九首

卷二

五言古詩二百四首

卷三

七言古詩一百七十四首

卷四

五言律詩四百八十五首

卷五

七言律詩二百六十八首

卷六

五言排律二十九首

卷七

七言排律六首

卷八

五言絕句六十一首

卷九

九言絕句一百一十七首

百人 石臼前目錄

一

金陵叢書
蔣氏校印

樂府

高湛那 昉

長安道

大道引鳴珂西京甲第多南山道御氣渭水象天河玉樹宮
中隱章臺月下過更聞揚與馬辭賦激頽波

難穀謠

仲夏焚巫庭龜甲徧原廬十日穀價高乃與山嶽伍人生有
積穀不須腰下組列國開前門喧隘如官府錢容黃勝金
氣白過乳咄嗟盼味間粟出如風雨惜昔陶淵明乞食意何
取不能安五斗而有終身苦矢之以冥報氣結傷千古

石白一

金陵叢書
一將氏校印

長門怨

阿嬌倚極寵無那妒偏叢恩寵一朝絕冷落長門宮中宵聞
鳳珩複道回雕輦千門待月明珠廉向空捲月落不上天銀
河復空法君心與妾心安得更繾綣

有烏篇

庚辰仲春
中庚辰仲春
老母作舟

有烏有烏鼓翼鳴阜銜一粒粟歸餉其母解一此粟雖微本自

玉山禾願母食之歲歲長不饑解二朝出求食暮出求食茫茫

廣野霧露充塞烏不得食鳴聲惻惻解三烏饑奈何吻噪喉乾

不惜喉乾腹如迴瀾我猶終日鳴悲酸誰持藥餌爲母餐

從軍行二首

八月桑葉落胡兵寇雁門烟塵蔽千里戰士如星奔彎弓射

鳴鏑漢月隨南轅歸來麟閣上意氣感君恩

家在藍川下往來塞上亭射獵無朝暮長驅塞草青孤軍忽
轉戰獨當單于庭威聲振絕漠叱咤凌風霆凱逐降王返動
將良史銘更聞歌林杜清廟未須局

紫駟馬

春日叢臺下垂楊夾路隅探桑淇上女挾瑟邯鄲妹翩翩紫
騮馬蹀躞行中衢鳴鞭過柳市巧笑生羅襦誰憐閨裏妾日
夕詠蕭蕭

隴頭水

嘶車上隴阪隴水流不絕一聞流水聲行人共嗚咽嗚咽不
在水水中有白骨昔日長城卒遠向臨洮沒魂飄沙漠間怨

石白一

金陵叢書
一將氏校印

入水聲裏水作東西流嗚咽無時已

少年行

三川年少子結交五陵遊玉鞭驅白馬彈鋏上青樓裴徊看
楚舞慷慨聆齊謳朝過井里縣暮託奇門侯探丸下長樂仗
劍臨西州忽逢魯句踐爭博久淹留誰能天祿閑日共雕蟲

謀

獨漉篇二首

獨漉獨漉水清泥墨泥墨非恤水清魚泣飛彈無聲彈彼文
禽鴈泉鼓翼鳴於中林豫且制龍醢腸瀝肉蜉蝣蜿蜒乃得
飽腹上山採樵爰命斧斯猗蘭雖微繫於天王河伯有臣其
名曰獬豸食鮪乃爲厭伐雄劍鳴鞘欲報大恩世謂鉛刀

子勿復言

獨漉獨漉水深泥汨有舟有梁勿用疑惑羣羣雄雉望於兔
置子欲活雉何得吝嗟黃雀近人不避彈射國相有恩不如
綵綫神龜見夢反損厥壽孔公賸之左顧在紐遭驥太行斫
殃叱羈服廂如故流涕奚爲手持颺風宜送飛鴻爲蒼削木
塵彼太空

空城雀

黃雀出深林翩翩向城闕城中倉廩高飛食倉中粟偶遭挾
彈子彎弧氣輝赫少年饜盤餐不假汝充腹棄汝與蒼鷹顧
盼不官博饑肉太息語少年慎勿矜汝能翩翩挾彈雖可觀
意氣猶不如蒼鷹

丙八

石曰一

三

金陵叢書
蔣氏校印

枯魚過河泣

孟津有神魚鼓鬣生雲霧昔曾入王舟王師爲歌舞一朝失
深淵見困於網罟自知神物貴波濤不得阻天吳及靈鯨且
暮相勞苦行過大河岸隕涕忽如雨作書與魴魚消滴幸分
與變化安敢希聊取潤焦腐

秦女卷衣

長安木葉落宮中秋氣悲君王歌吹罷妾侍卷衣時彩月絢
瑤席薰籠隱繡帷金壺鳴水漏終夕有恩輝顧以微軀賤流
光安可希

雉子班二首

蒿離離雉班班雉子翼錦如欄野田側蓬蒿問其母出求食

雉子望母還飲啄相隨去畢志殉茅菅幸懷耿介意不慙軀
體屏寄謝虞羅者金籠安足攀

雉子錦班細翩翩備五色雄雌啾唧鳴相將距咫尺一朝絳
網羅勇決奮一擲其肉供鼎俎其義存金石遂使樊夫人三
歎不能食

上之回

漢帝慕蓬瀛仙人樂五城蓬瀛不可親雍時鴛華旌北出回
中道遠過甘泉營輝煌屯萬乘四顧沙漠清雲中紛翠蓋云
是安期生旁有赤松子驂龍來相迎參差不一遇荒淫終何
成遂令崆峒上長留萬古名

猛虎行

丙八

石曰一

四

金陵叢書
蔣氏校印

搖樞入深山猛虎狸文斑猛虎據地吼齒牙欲相關骨肉充
腸胃流血布草菅恣睢但飽食豈顧賢豪問爲我謂猛虎咆
哮亦何益食人損爾德甯異狸與狐騶虞不折草休聲播皇
都騶虞何其仁猛虎何其愚往謝泰山君人肉安可餽

空城雀

嗷嗷空城雀飛栖逐籬樊安卑固定分饑困亦有端羣雀噪
野田飽食棄其殘猥欲掇所棄躑躅鳴悲酸中情庶往訴仰
視雲中鸞鷟饑方欲食復無金鄒珎

短歌行

飲不汲食泉行不休曲木食泉令人貪曲木令人曲絲來志
士懷十步九反覆西山兩餓者羞食鹿臺粟日月有銷滅採

微歌不足此意仍勿傳街悲向空谷

游俠篇

颶風大宛馬俠氣并州子雕鞍錦障泥寶劍黃金鑾飲酒新
豐市結客深井里千金爲母壽片諾許人死手把於期頭征
輪向西指歌動易水寒冠衛白虹起策千重噴怒長掛龍華
喜安則本辨客鄰生亦壯士當時顧盼間風雲從此始英聲
燦金石千載無窮已

白雨四章

白雨絲絲黃塵濶濶蜩螗饑食塵中未肯入惜古人命車
虛左出途車聲呼予螺贏鶴饑啄影有啄斯聲死則寒爾
蹢躅其銘耕必有耦賈亦有仇淫淫雨絲絲活活苦秋匪沮

五
石印一

五

金陵叢書
蔣氏校印

匪鮑追憶我憂

行路難

君不見南山白石白楚楚雕龍輩作明堂礎君不見東海大
珠光燦燦一朝按劍遭零落白龍在淵蛇蟠泥雞無鳳羽梧
桐栖扶桑半枯若木死春風未老寒蟄噤行路難慎勿迷詠
史設尋牛渚月千秋無復謝征西

秋蟲引

百蟲團團鳴一燈其聲淅淅漚川流冰久之月出照虛幕坐囑
冷光身上著月光散落冰漸中夜涼安可聞秋蟲

牧牛詞

牧童牧牛亦牧犢沿溪放牛一白額秋田將熟牛尾禿犢角

如栗摩其腹食草眠草宿相逐牛背童子清溪曲菱叢雄雞
高兩足射以短箭抱滿束落日跨牛過溪宿牧牛在溪勝在
谷明日射雞乘早旭

姑惡鳥

姑惡鳥姑惡鳥汝形雖微汝舌巧昔日爲婦姑不惜姑不汝
惜憎汝舌形雖變化舌猶背慎勿打黃鸝慎勿彈黃雀亦莫
桃弓射雙鳴爲我彈去此微禽不使聽前叫姑惡

烏夜啼二首

北風吹林響枯櫟明星在樹光的的東方月出聞烏啼夜半
霜清毛羽溼驚飛歷亂更相呼遠樹千迴影不孤林中殘葉
舞蓬蓬枝上曉聲轉蕭瑟烏夜啼勿鳴咽寒林幾日回蔥蒨

六
石印一

六

金陵叢書
蔣氏校印

弩力成巢將爾難離飛八九逐雙燕

空林寂寂宵正永青燈熒熒光愈耿天邊月作樹頭霜樹上
鳥生地上影一夜歷歷迴北斗嗟峨老樹空相守東枝西枝
飛幾回喧喧曉色穿林藪聯翩散盡暮仍還凍羽珊珊不暫
開乍可懸殘白門柳不教飛上紇干山

行路難十二首

駕我車策我馬飛蓋飄飄去中野居家吝嗟不得意爲欲適
我同心者東至泰山西黃河河冰如山山峨峨摧輪覆轡將
奈何人生安得久離別紅顏銷盡憂思多行路難行路難聽
我歌丈夫貧賤無不可慎勿流浪成蹉跎

秋風捲枯籜歷亂東西南北飛遊子見之竊歎息不覺流淚

下沾衣人生相命直坎壈百年刺促將安歸爲君抵節歌行
路吞聲掩抑氣已微

君不見銅雀臺井幹百尺松風哀君不見金谷樓美人一去
成千秋只言貧賤不得意富貴失意良更多只言貧賤長寂
寞富貴寂寞空悲歌繁華留得久相戀海水滔滔東逝波請
君獨力挽海水海水不回君奈何

君不見長安少年子生來不讀詩與書結交金張七葉貴撞
鐘鼎食華堂居盤中珍膳五侯送腰下雜珮懸碑礫指麾顧
盼有光彩自謂驕奢人不如卻笑倪生何落拓南山日出帶
經鉏

結髮爲君婦盛衰好惡不相棄少年桃李對芳菲倏忽遠道

石門

七

金陵叢書
蔣氏校印

成離異落花不復著故枝安容顏無凋悴當昔盛年時棄
我如鴻毛何況今日顏色改君心甯得無波濤人生快意那
能久行嗟坐歎心鬱陶

君不見三春菴藤爭艷陽秋風捲入雲中翔昨日紅顏如露
薜今朝對鏡忽自傷盛年一失豈再得况復抑鬱枉摧戕生
世不得一日樂黃墳白骨斷人腸

君不見塞上鴻羣起聲嘶嘶北風雨雪忽飄散悲鳴求侶西
復東結交青雲子謂言頭白同生死豈知意中已索莫昔時
膠漆今流水由來輕薄盛繁華祓服雖美中情鄙寄言覽牖
平生友我當與爾偕終始

對酒忽不樂仰天長歎自錯愕少年榮盛今安往面顏枯瘦

忽如削自古聖賢皆坎壈我今不怨長蕭索日月棄我不相
顧形骸倏化歸冥漠感君相勸強作歡悲從中來淚雙落
君不見原上草芊綿亦何好秋風相欺凌摧折不待老丈夫
失路心煩冤羣中愁歎口不言衆人多歡爾何憂含淒發歎
各有絲經秋蒲柳須凋隕安得繁霜不滿頭

羈旅向他州寒暑代換忽如擲骨肉相契闊夢中髣髴覩容
色晨起炊作糜鴛言返鄉城故鄉可盤桓如何久行役大生
日與骨肉遠雙鯉迢迢亦何益

君不見梧桐枝上蠟斷續悽悽厲商飈風前嘒嘒仍未已玄
雲朔雪已飄飄千里復千里一朝更一朝祇道紅顏愁裏盡
那容白髮鏡中銷

石門

八

金陵叢書
蔣氏校印

諸君幸勿欺聽歌行路聊自寬嚴冬草木委霜雪披拂春風
還可觀世間苦樂更回換反覆豈異波與瀾我有嘉肴并旨
酒平生親故陪交驩讌樂從朝恆至夜莫令北斗空闌干

古別離

春日春楊柳飛花滿御溝含情綺閣上離別恨悠悠年年離
別遙相待賤妾容顏已應改青樓夢罷曉鶯啼曉書緘到
遼西蕩子長征何日返擗蛾拭淚關山遠萑蒲出水葉生齊
直待花開歸已晚

古塞下曲二首

涼秋八月烽火平沙磧連連迫虜營屬國猶稽大宛馬朝廷
復遣貳師兵鐵衣遠度天山道萬里征行絕水草胡笳夜起

月漫漫胡騎星奔沙浩浩蒲桃舊世應稀漢使河源幾日
歸不及參差青海雁年年一遶上林飛

朔客懸吳鉤橫行出隴頭塞下大小百餘戰白髮仍成交河
流交河凍合無流水邊庭雪淨黃雲起蕭條五月南風吹白
草連天幾千里

燕歌行

東風淑景上蘭條翠羽啁啾啄井桃春鶯競入楊花囀代馬
長銜苜蓿驕陽關西去無消息玉鏡盤龍惜顏色蘇合薰香
透錦緋蒲桃引蔓垂瑤席霜落江南雁始飛陰山瀚海雪霏
霏左賢欲遁猶催戰太白高懸又合圍高樓粉黛傷遲暮黃
河冰堅不可渡三五明月更誰憐十二金人那能歸妾望迢

百八 石曰一

萬金氏校書印

迢玉塞中聞歌林杜泣春風龍庭何歲無征戰能得紅顏幾
度紅

從軍行

臨洮西北接燕然單于亭障迴臨邊已向朔方窺右臂更出
雲中燈左賢長安少年事遊冶關雞挾彈章臺下飲酒不厭
金叵羅出塞能騎渥洼馬聞道分兵救白登玉門關外片雲
凝南山石沒藍田羽北地烽連瀚海冰嚴冬雪斷天山草拓
地因開酒泉道魚鳥陣前刁斗鳴驚鸞機上憂心擣氍毹
李正芳華宛博嬉鵲戲淺沙征蓬塞曲偏迢遞織錦秦川獨
怨嗟從軍意方展沙場路應緬封侯燕頤豈徒然回首關山
淚如綫

烏栖曲

繡戶鶯囀曉曉聲雜百鳥河隄楊柳覆金羈夜夜烏栖楊柳
枝不見汝南王相憐劉碧玉碧玉顰蛾恨轉生只爲烏栖曙
相促

飲馬長城窟行

匈奴萬騎寇朝那北地雪中戰馬多烽火朝連蒲類海征人
夜戍金微河征人臨夜發馬上看明月寒風縮馬毛一飲長
城窟長城窟中水如乳可憐白骨相撐拄當時築城因備胡
誰道長城卒辛苦如雲萬里莽蕭蕭西起臨洮東遼遼胡馬
嘶鳴不敢度縱橫白骨無昏朝飲馬長城氣蕭蕭流水聲悲
淚雙落亡秦者胡別有云安取築城連大漠今年鬼哭長城

百八 石曰一

萬金氏校書印

中明年鬼哭望有宮長城築罷扶蘇死渭水東流恨豈窮
關山月

冉冉枯蓬散遠天亭亭月出滿秦川秦川織婦驚錦孤月
徘徊照孤寢幾日焉支落漢家玉門迢遞尙應遮空憐塞外
傳刁斗獨傍關山眺月華

隴頭吟

長城戍客秦川發秦川千里看明月金鞍白馬隴城西隴水
潺湲傷馬骨雲中飛將屏藍田往來射獵南山邊一矢曾驚
石沒羽仰觀太白臨胡天五將分兵出洮水嫖姚已奪單于
壘平生百戰更誰憐卻使三軍怨桃李

巫山高

巫山巫峽已重重
空中秀出神女峰
東連黃牛西白帝
參差黛色何迢遞
襄王昔上陽雲臺
神女嬃娟安在哉
形影夢寐一朝滅
玲瓏宮館沈蒼苔
猿聲斷續高唐路
宋玉虛傳有詞賦
千秋寂寞望煙巒
空識朝雲往來處

公無渡河

刺船臨河河廣苦無梁
披髮一叟提壺漿
臨流欲渡河湯湯
其妻止之隨以亡
哀聲淒惻不可當
河廣無梁亦無楫
與舟龍颺崢嶸食人安
肯休渡河溺死河悠悠
篋篋千載令人愁
車遙遙行

夜寒霜白雞喔喔
僕夫牽車出茅屋
行子登車天未明
家人門外聞車聲
車聲漸遠天漸曉
谷轉山迴路線繞
人生作計

石口一

十一

金陵叢書
蔣氏校印

難自量在遠日多在家少
車遙遙遙向千里長
江有岸海有涯
車輪輾處紅塵起

寄遠曲

明星歷歷光可摘
鯉魚澈澈鮮可食
欲烹鯉魚憶遠人
忽得狂夫書一尺
開書讀罷淚長流
欲報狂夫未有由
雲中一鳥忽高翥
下來爲我銜書去

擊筑吟

漸離擊筑燕市中
蕭條四顧來悲風
逡巡一奏咸陽宮
咸陽宮中近至尊
虎豹狎狎門九關
筑聲斷續如相迫
噫彼騷者子諸侯客

薤露行

薤上露易晞
還易滋人無千歲
壽意氣何能爲
不見當時海島上
膝前按劍吐雄辭
築成高家徒巖巖
平生孤憤將安施
蒿里行

古樹白楊道
冢墓何磊磊
白楊無故枝
慘澹成蒿里
前人已沒
續後人後人已沒
前人陳東風
歲歲吹芳草
蒿里千年不復春

飛龍引

軒轅戮蚩尤
垂衣尙清玄
銹金貢九牧
匪爲求神仙
鼎成騎龍淺
紫煙衣冠寂寞橋
山邊武帝宮中築
桂館金莖玉露如流泉
纔氏虛留大人跡
蓬萊不見空迢遞
鼎湖想像飛龍處
仰望青天涕泗漣

石口一

十二

金陵叢書
蔣氏校印

精衛諸二首

精衛銜木石
飛飛爾不棲
朝飛海東暮海西
口中流血將誰訴
海水茫茫尙如故

精衛銜木石
朝飛暮飛折雙翼
爾不見夸父逐日成
鄧林思欲填海爾何心
鄧林之木有時盡
東海東流萬古深

長安有狹斜行

長安二月盛繁華
陌上飛花滿狹斜
玳瑁梁間雙燕子
飛來飛去遠虛家
虛家小婦吹玉瑯
繡戶凝妝長繾綣
桃李花飄未忍看
此際雙蛾早生怨
遊絲宛轉挂雕甍
黃鳥關關無限情
密密霏煙籠芍藥
垂垂結子墮紅櫻
紅櫻欲墮風光晚
芍藥聊持堪贈遠
簷前粉絮漸飄颻
鏡裏容華惜婉婉
從將錦

字纖鸞機慙動更賦盤中詩盤中機上無窮恨讀罷題殘淚
轉滋金羈白馬長安市浪作漫庭游俠子十年征戍未曾還
一夕愁心去千里

野田黃雀行

野田雀東西飛毛羽非珍脂不肥側有網羅何以旌眾雛
嗾爾何之難安在蓬蒿下鷹鷂雖甚武意在鴻鵠不在汝

戰城南

戰城南救城北城南血流川城北積尸多腐肉烏鴉啄人肉
飛起何連連徘徊不肯食銜之倒掛高樹顛城中六親不相
憐無人出收骸歸葬城南邊君不見秦家金人臨洮前漢家
烽火通甘泉士卒白骨蔽草莽黃沙大漠四顧空茫然何奴

百人 石曰一

一三

金陵書
一將氏校印

以鳴鏑起塞下始與中國論控弦河西酒泉更征戍玉門無
歲無風煙戰城南城南水鳴咽征人相枕死憤怨何絲雪水
中之聲萬古終不絕

猛虎行

日出獨上太行阪日入獨歌猛虎詞丈夫流浪不得志須臾
鬢髮變如絲中原豺虎恣噬食白日黯慘盡無色始聞漢上
噓諸姬復報伊川波血赤洛陽自古擅名區方漢絲來雄楚
都一朝城門忽夜啟帝子王孫泣路衢前年天子命元戎詔
書受鉞平臺中丞相南征多禁旅諸侯西面皆趨風古人飛
一箭往往能成功今人仗鉞起百萬猶爲空古人論士及屠
狗今人論士如矇矓小儒章句登要津司馬長卿犢鼻走長

卿凌雲豈豎儒揚雄羽獵爲誇胡兩人皆是青雲士棄擲還
爲一賤夫貧賤羞言天下事抗談揚馬人所忌世俗令人顧
避多宛轉俛眉時涕泗避地南奔東海去故人康樂遙相佇
已喜新營在石門復忻容裔登江嶼徘徊江嶼俯江亭古木
含煙萬古青不須更寄臨海作卻欲天台採茯苓
長相思

長相思在沅湘九疑聯綿鬱蒼蒼水上芙蓉零落盡無因長
戲雙鸞鸞誰信人生非草木榮枯暫保無翻復古來離別滿
湘間斑斑淚灑臨江竹雲中孤雁已徘徊朱絲一彈鷓鴣哀
與君昔別昌蒲浦那不遙牽錦纜回
白紵歌六首

丙八 石曰一

十四

金陵書
一將氏校印

吳刀剪素爲舞衣垂羅飄飄雪霏霏皎若白鶴流光輝清歌
一曲梁塵飛哀音變調聲轉微聲轉微心轉密愛君奉君歡
未畢

西江月薄煙濛濛館娃夜寒霜落空清聲激楚吹回風蛾眉
宛轉情若通厄酒獻君而發紅願君壽命無終窮

東鄰之子妖且妍北方佳人絕可憐吳歌子夜爲君發華裾
歷亂舞翩翩玳筵玉饌羅豐珍絲桐合奏娛嘉賓與君千歲
同斯辰

吟綠水歌白紵館娃美人葦蘿女絕世獨立更無侶迴眸斂
盼奉君醕九月木落寒蟬多博山蕪火薰綺羅娛君清夜夜
如何

雙星爛漫月在宇聽罷吳歌觀楚舞堂上坎坎更擊鼓持觴
御體併進肺請君安坐盈君卮上客惜車勿駕之人生歡樂
果在茲東方漸高安足辭

青陽桃李朝日薰
流歎君獨聞聖世方呂樂未闌當筵顧笑何爲難踟躕結願
雙飛鸞

折楊柳二首

東風臨大道垂楊裊碧絲高枝拂綺戶低葉掃金羈美人出
素手折贈長相思誰將白玉管吹向隴頭兒

垂楊千萬樹朝日映河梁夢結空閨暖愁隨出塞長紫煙迷
燕子落絮引花光不惜春風晚其如蕙草芳

百八 石白

十五

金陵遺書
蔣氏校印

隴頭

秦雲起絕塞交河路漸迷征客聞笳吹迢迢過隴西度磧無
青草宣威斬白題隴頭梅似雪幾得報春閨

隴頭水

潺湲隴頭水策馬事孤征嗚咽千重怨流離四下聲磨刀冰
雪苦拂劒寒雲橫鸛鵲能言語傷人萬里情

銅雀臺

魏國山河在雄圖勢已休漳河遙入海大陸莽生秋井幹空
遺恨君恩不可留誰憐歌舞罷松栢晚颼颼

芳樹

曉園遊絲裊隴隴日影生春風隔夜轉芳樹一朝榮嫩葉光

薄露朱華耀綺蕤遲遲聞曉曉已見度流鶯
邯鄲才人嫁爲厮養卒婦

生小叢臺下玉質光離離盈盈挾寶瑟十五揚蛾眉一朝去
丹闥顧影獨嗟咨憶昔珠宮寵綢繆空爾爲

班婕妤怨

秋風吹廣殿妾怨在叢蘭碧葉霜華滿芳華露氣殘螢飛宮
樹晚漏滴井梧寒詎分瑤階月惟將扇影圓

巫山高二首

巫山上巫峽列岫最竄巖明月連江迴青楓帶雨飄楚雲秋
正淡神女暮何嬌獨有陽臺客偏知氣沈寥

巫嶺與天齊回看萬壑低江迴明月峽雲隱綠蘿溪谷鳥沙

百八 石白

十六

金陵遺書
蔣氏校印

邊去已猿樹上蹏因思天畔雨能令楚王迷

關山月二首

漢月焉支下黃雲青海頭忽驚沙塞客遙憶故園樓影逐關
榆冷弦生虜陣秋閨中一長望玉筍已頻流

明月出長城藥隄事遠征金波流塞影玉帳卻胡兵破鏡看
如故寒衣掃未成清輝迴何極一動藥隄情

王昭君二首

蛾眉本絕世遠向沙塵道玉塞豈辭勞黃金苦不早長作漢
宮人紅顏亦終老青冢獨傷魂歲歲生春草

漢宮回望絕青海路遙進一曲琵琶語千秋羅綺悲迺將黃

鶴侶沒向紫臺睡怨結胡天月悠悠無盡時

洛陽道

四塞開姬祿三川阻漢封青槐迷玉勒紫陌度金鑰御苑交
澗澗王風起辟雍自非重驛貢白雉豈能逢

臨高臺

千里望不極高臺高以軒行子苦道遠別曲悲絃繁黃鵠起
東海一舉離哉翻袖中有短札爲予西北齋

梅花落

一樹倚簾櫳開簾雪滿空柯殘餘繡色花落已春風忽憶庭
前發遙將隴上同誰憐征戍客歸夢錦屏中

鳳簫曲

羸女與蕭史相攜遊太清翩翩璫臺侶翺翺鳳凰鳴簫聲傳

丙八

石印一

十七

金陵叢書
蔣氏校印

解谷仙曲墮成京影滅不可見彩雲空復清

雞鳴曲

雞初號夜寒風寂聲膠膠寒帷沈沈四壁暗乍聽不知方夜
半再號臆色正沈沈夜未向闌夜已深枕上三號聽欲懶身
中萬事心中滿亂鳴角角心更焦東方曙色無纖毫人生本
怨飛光促反恨飛光不得速

五言古詩

遊宗遠明瑟園登池上閣

春水浮亂柳野色明郊扉榜舟適至門落花正霏霏雨後罕
人跡泉石皆芳菲因登池上閣四顧延清暉君辭公府辟了
知世事非荷葉始覆水釣竿已在磯嘹唳天邊鳥徘徊故退
飛

張友鴻齋中牡丹

青陽忽已晏翠幙紛朝光繁花飲薄露旭日何煌煌東風轉
綺靡顧盼流華觴裴徊御寶瑟湛樂充君堂心賞苟如此幽

丙八 石白二

金陵叢書
一將氏校印

谷詎相當永謝嚴中士寂寂沈孤芳

張友鴻新墅晏集

遊絲冒碧樹落日猶飄颻微風入軒檻竹色寒相向虛堂映
晚花高閣通遠嶂玲瓏畫棟開登出層簷上履危駭奇構散
屣喜弘耕京涼耿華燭佳辰積惆悵縱橫星漢間清光仍演
漾人生遭世故離合如倏仰明日此別君雲山屢回望

病中遣懷

羈遊循海濤對影少所懽心魂已惻惻抱病更長歎苔色滋
虛院雲光生晚寒踟躕迫行役起視春風殘本無金石姿何
以羅斯患人生千里客慷慨涕洟淵五禽徒汗漫二鳥何辛
酸顧我非威鳳莫得餐邱垓

舟過鳳凰山將至橫雲山作

首夏氣清淑輕舟漾前汀新蘆漸抽節夾岸何青青白雲生
淺渚微風催揚舠葳蕤草間花紫色來芳馨仰見鳳凰山蒼
翠紛瓏玲隱映蔽叢蒼肅穆虛巖扇橫雲迷窈窕結宇猶娉
婷沿洄觀佳賞石壁映泓渟吳山接溟嶠永懷遼弱齡尋幽
距咫尺地迴棲神靈嵯峨巉巖孰謂楹與庭

遊橫雲山李氏園亭

鑿山費斧斤架閣費尺度雖有彫琢今已極空濛趣蒼蒼石
壁開溶溶碧流聚水色乃孤清山根緬回互孰知泉源深悠
然此中度婀娜朱花繁差池紫燕去物情易綢繆茲遊遂成
故平生山海心所至屬雲樹豈不愛嚴扉俛仰反踟顧相思

丙八 石白二

金陵叢書
一將氏校印

雲壑流遠寄西飛羽羈遊安可久返我東臯步

登天馬山絕頂三首

紆路行山阿舍樹趨遙嶺陟險三四盤雲巒鬱遶繙九峯若
在掌一一皆可辨物態漸以繁新林各舒卷振衣歷危磴盤
石忻屢踐乍休殊未厭莓苔不暇選攀躋方自茲中情亦已
展

翠微接雲氣孤塔標雲根仰觀猶突兀始失中峰尊亦有老
子言寂寞清淨源夙駕此山麓道經平原村斯人雖千載江
海存邱樊何況盼睽間芳草盈衡門獨鶴下煙際清音哀心
魂

海上多靈峰茲邱亦其亞林嶺互出沒溟色涵變化絕頂豈